

## АВСН ДААЛГЪВРАН КҮЦАВ

Приютненск района 107-ч номертә совхозд Печиневский Михаил Федорович ах хөбч болдж көдлнә. 1957 джилд үр Печиневский 1139 иргс үвләс менд авч гарх, ирг болгънас 4,2 килограмм ноос авч, цуг хөбдәсн 4784 килограмм ноос авх даалгъвр бийдән авснн.

Тер авсн даалгъвран күцәхин эркд эртәснъ белдврн көдлмш кеснә чирнъ, үр Печиневскийд ик дөнъ болв. Онъгрсн үвл китн багъ болсн учрар, хөбдән дулан нарта өдрмүдт газр идүлдж, цагланъ услдж, кевтринъ хүрәлдж бәәв. Тегәл белддж авсн өвснәннъ өрәлнъ, ирх үвлд әрвигдсн деерән, хөбднъ нег чигн гару угагъар сән чинәтә гарв. Увлиг сәәнәр онъгрүлсн байрин нег төр, цаарандан ноос авх даалгъвран күцәхәр зүткв.

Үр Печиневскийин авсн даалгъвр хө киргългън чилсн цагт ягъдж күцәгдснъ ил медгдв. Хөн болгънас 4,9 килограмм ноос авч, хөбдәсн цугъаргъаснъ 5539 килограмм ноос авб, 755 килограмм ноос планасн үлү государствд орулдж өгв.

Хө өсгългъиг болн ноос гаргългъиг цаарандан икдүлхмн гисн КПСС-н ЦК-н болн СССР-н Министрмүдин Советин бичгт ик байрта кевәр хәрү өгч, Алдр Октябрьск социалистическ революцин 40-ч өбнд верәддж авсн даалгъвран күцәхд болн ирх джилд авх даалгъвран энүнәсн ик чиртәгъяр күцәхәр шундж көлджәнә.